



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

20. An si aliquis intrat in Parlamenti tanquam Procurator possit rogatus substituere alterum in Procuratorem? Ex p. 1. t. 3. r. 8.
-

[urn:nbn:de:hbz:466:1-76429](#)

nationis, & incolarum Regni iniuriam: nam, cum
sunt filii, priuantur pane doméstico, ut ille frangatur
extraneis. Post hac scripta, inueni Hieronymus
Suritem, rerum Hispan. nobilissimum Scriptorem
obleruassem tom. 6. lib. 10. c. 99. Ferdinandum Regem
Catholicum in suo testamento filio Principi com-
mendasse [muy encarecidamente; que no biese
mudanza de los Oficiales, que el tenía en los Reynos
de Aragón, por que entendía, que era cosa muy ne-
cessaria, que los Oficiales se proueyessen en personas
naturales de la misma tierra: affirmando, que tenía
experiencia, que era esto lo que mas convenia.] Hæc
ille.

RESOL. XVIII.

An plures Vniuersitatis, & Barones Regni possint
constituere unum, aut alterum in Procuratorem ad
effectum intrandi in Parlamentum? Ex part. 1. tr. 3.
Ref. 7.

S. I. R espondeo, in rigore, & absolue loquendo,
esse illictum, si sciunt Procuratores
esse timorata conscientia, & amatores boni publici,
non quærentes semetipos, sed communem Regni ne-
cessitatem. Verum, ut plurimū; hoc facere, non est
expadiens. Sed de hac re differentem, non Religiosum
auident, sed vnum ex primis Consiliariis, quem tunc
Rex noster habuerit: iste Ioan. Francisc. Aponte in
tr. de potest. pro regis, tit. de elect. Official. §. 5. n. 23. vbi
ait: [Permissus est abusus, ut procurations omnes
ad pieces ministrorum in ipsorum personas fiant, vel
ab eis dependentibus: Populi enim infici, & ignari,
& insipientes sic venditi, & consumpti reperiuntur
donando, qua nonquam cogitauerunt in ipsorum
petitionem, tenentes labia clausa ob metum, contra
sanctam, & indubitatam Regis intentionem. Quæ
etiam apparet videantur redundare in eius utilitatem,
omnia effectu sunt in ipsis inestimabilem damnum,
ob exinanitionem populum, diminutionem Regni
redditum, & in offensionem diuinæ iustitiae, ob quæ
languis pauperum perpetuè clamat. Et quænam gu-
bernatio est ista pro futuris contingentibus, vt Parlamentum,
& congregatio tanti ponderis, pendeat ab
vno, vel duobus, in quorum personas procurations
omnes factæ reperiuntur, & vlt̄rā isti gratificati rema-
neant, & nulla Regni gratia, adhibeatur, quod quoti-
die se exuiserat, & toto corde fideliter procurat suo
Regi inferire: Iudicent haec prudentes. Beni tamen
video, quod multi me irridebunt, & hæc parui facient.
Ego sum Index Supremus, Regens collateralis, illiusque
Decanus! sed non erubescam dicere, quod omnium
malorum causa sunt mali Iudices, & mali Con-
siliarii decipiunt Reges.] Hæc omnia Aponte; quæ,
ut cum magno zelo, ita cum maiore veritate fuerunt
dicta. Nam, quæ recta ratio poscit, ut duo, vel tres
in parlamento possint concludere, quidquid velint, in
damnum, & perniciem totius Regni, & Vniuersitatis?
Ex parte 1. tractat. 3. Ref. 28.

RESOL. XIX.

An Procuratores in Parlamento sedere debeant, vbi
erorum Barones sedere deberent, si in Parlamento
adesserent?
Et an saltē inter Procuratores sit differentia ut pro-
cedant secundum qualitatem suorum principalium?
Ex part. 1. tractat. 3. Ref. 28.

Tome VII.

S. I. R espondeo negatiuè, cum Aponte decis. 12.
num. 15. vbi ex Marino Freccia determinat,
quod Procurator in Parlamento generali non debet
in eodem loco sedere ubi Baro suis principalis sedere
deberet, nec praecedentiam aliquam prætendere po-
test in voce danda. Verum est, quod inter Procura-
tores sit differentia, ut procedat secundum qualita-
tem suorum principalium; & si in eafu simili
fuisse determinatum à Consilio Collaterali in Parla-
mento factò Neapol. ann. 1602. die 16. Nouembr.
in quo Princeps Cariati comparauit, qui præcedit
Principem Caleræ, tanquam antiquior: sed Prin-
ceps Caserta erat Balius Principis Sulmonis, qui
præcedit Principem Cariati: & tamen, licet Balius di-
cti Principis non præcessit; at sedem habuit post
Principem Cariati.

RESOL. XX.

An si aliquis intret in Parlamentum tanquam Procu-
rator, possit rogatu substituere alterum in procura-
torem? Ex p. 1. tr. 3. Ref. 8.

S. I. A sserunt mihi, casum hunc frequenter ac-
cidere: nam videntes aliqui, Procurato-
rem aliquius Vniuersitatis timorata conscientia, non
concurrere ad aliquam rem iniustam in parlamento
tractandam, rogant illum, ut alium in Procuratorem
substituat, qui postea inquis eorum placitis libenter
adhæredit. Et idè ad questionem negative respon-
deo: nam, licet Procurator cum potestate substituen-
di, virtute potestatis ei traditæ non teneatur de facto
Procuratoris substituti, quia videtur hic Procurator
constitutus à domino, mediante persona Procuratoris,
vt dicit Gloss. in cap. 1. de Procurat. in 6. & in specie
tenet Salic. in l. quod quis Cod. de Procur. q. 5. tamen
hæc omnia intelligenda sunt, ut aduertit Vincent. de
Franc. tom. 1. decis. 212. si aliqua culpa Procuratori
substituenti imputari non potest: quod accidit in ca-
su nostro. Nam Procurator, qui vult substituere, co-
gnoscit iniustitiam donatiui, vel rei in Parlamento
tractanda; & videt, quod requiritur substitutio pro-
curationis, in alterius personam, in damnum Regni,
& illius Vniuersitatis, de qua extat Procurator: ergo
illam faciendo peccabit.

RESOL. XXI.

An Procuratores, & alij intrantes in Parlamentum de-
beant proponere aliquid, licet ab illo, qui caput
est Parlamenti non proponatur? Ex patt. 1. tractat. 3.
Ref. 9.

S. I. R espondeo affirmatiuè: debent enim ex-
ponere necessitates Vniuersitatum, & to-
tius Regni, ut habeant vires soluendi donatiuum,
de quo agitur; debent rationes pro eorum voto de-
clarare etiam alijs contrarium sentirent: nam, ut
obleruassem Mollesius in summa, tom. 1. tractat. 6.
capit. 16. numer. 119. forsitan vota sua mutabunt.
[Et ita scio, ut ille, pluries evenisse, etiam in Vi-
ris supremis, & regentibus Regiam Cancellariam
Consiliariis, & aliis supremis Officialibus, qui (ut
mihi retulit Franciscus Aponte) accesserunt cum vo-
tis scriptis ad iudicandum pro certa parte, & po-
ste audierunt quendam Officialem inferioris doctri-
nae, & experientiae: & nihilominus audita relatio-
ne illius, & consideratis eius rationibus, mutauerunt

I 3 vota